

La BCG ha avert sia sedia regiunala a Lai

Ina nova purschida da cussegliaziun en in ambient modern

Cuira, ils 2 da december 2019 – Suentar ina renovaziun dad otg emnas è la nova sedia regiunala engrondida da la Banca Chantunala Grischuna (BCG) vegnida averta oz a Lai. La clientella po profiter d'ina nova sala da clients e d'ina cussegliaziun individualisada.

La BCG ha modernisà sia [sedia regiunala a Lai](#) ed adattà ella als basegns da la clientella ch'èn sa midads. Il manader da la regiun da Lai, Marco Dangel, e ses team porschan era vinavant tut ils servetschs da banca a las clientas ed als clients, tranter auter cussegliaziuns d'investiziuns ed administraziuns da la facultad, sco era soluziuns da finanziaziun e da provediment. Sa chapescha pon las clientas ed ils clients era far vinavant affars da banca simpels sco empustar cartas e far pajaments.

Dapli temp per accompagnar la clientella

En la nova sedia regiunala n'hai nagin spurtegl classic pli. Ina recepziun moderna furma il center en la sala da clients nova. La clientella vegn a sentir l'atmosfera invitanta e discreta: ils cussegliazers sa movan libramain e pledentan directamain il client che entra. En il chantun concepì sco ina lounge hai ina maschina da café, nua ch'ils collavuradors pon sa deditgar a la clientella. Quest nov contact cun la clientella permetta a la BCG da sa posizunar sco banca da cussegliaziun moderna. «Grazia al nov concept da filiala han nossas collavuradoras e noss collavuradors anc dapli temp per l'accompagnament persunal da la clientella», sa legra Marco Dangel. Ultra da la sala da clients modernisada èn las localitads era vegnidas engrondidas. En pli hai dà ina nova zona cun stanzas da cussegliaziun ed ulteriuras localitads da biro per las total 20 collavuradoras ed ils collavuradors da la sedia regiunala a Lai.

Automats multifunzionali moderns

Adina dapli clientas e clients fan lur affars da banca via ils chanals electronics. En las filialas van els cunzunt per sa laschar cussegljar persunalmain. Ils ultims sis onns èn las transacziuns als spurtegl da banca sa reducidas per var tschuncanta pertschient. Per simpels affars da banca stattan a disposiziun en la sedia regiunala a Lai automats multifunzionali, nua ch'ils clients pon retrair daners e far pajaments en francs svizzers ed euros, transferir daners d'in conto a l'auter e dumandar giu il saldo dal conto. En cas da basegn sustegnan ils cussegliazers da banca las clientas ed ils clients als automats. Ordaifer il temp d'avertura èn ils automats accessibels en la zona da 24 uras.

Il contact persunal stat en il center – dapli soluziuns digitalas

La BCG a Lai è averta da glindesdi fin venderdi da las 08.30 fin las 12.00 e da las 14.00 fin las 17.00. Discurs da cussegliaziun individuals èn sin dumonda era pussaivels a chasa tar las clientas ed ils clients. A medem temp investescha la BCG en sias purschidas digitalas che duain simplifitgar ils affars da banca per ils clients. In exempel è il [center da clientella](#), nua ch'ils clients pon empustar online daner contant e laschar trametter quel per posta a chasa ubain era fixar in termin da cussegliaziun. Dapli davart las soluziuns online per reglar ils affars da banca da tuttas uras sin gkb.ch/digital.

Contact per ils collavuraturus da medias:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [Instagram](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 999 collavuraturas e collavuraturus (stadi dals 30-06-2019). En il chantun Grischun cun sias numerusas vals e pliras linguas, è l'interpresa represchentada cun 52 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaint semestral preschenta ella cun ina summa da bilantscha da CHF 26,6 milliardas in gudogn dal concern da CHF 100,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2019: 7 da favrer 2020

Radunanza dals participants: 25 d'avrigl 2020
